

咸宁县志

一
函
八
册
函

咸寧縣志卷二

歷代疆域水道城郭宮室名勝圖上

善爲政者無私心自用之智事不師古而求效於今與泥古之迹而不能通於今者吾未見其能治也畛域有分合川瀆有變遷城郭塗巷有興廢矧斯縣當四達之衝秦漢隋唐之故都典章法度之所繫尤宜蒐覈故實存什一於千百者哉若夫名賢之所寄跡詞人之所題詠雖無當典章而有禪風雅高山仰止景行行止表其遺跡亦足以諷勸來者也作歷代疆域水道城郭宮室名勝圖

周疆城圖



周

杜左氏傳范氏在周爲唐杜氏杜預注周成王滅唐遷之於杜爲杜伯國水經注泆水西北流逕下杜城卽杜伯國

案城南杜城卽杜伯國在長安界中

樊

說文饗京兆杜陵鄉水經注泆水上承皇子陂于樊川其地卽杜之樊鄉也路史仲山甫采邑

案今皇子陂以南卽樊川地周都鎬京杜樊皆郊內采邑史記六國表湯起於亳徐廣曰京兆杜縣有亳亭據說文亳京兆杜陵亭也从高省毛聲則杜陵之亳乃亳本字若河南之亳則管子墨子荀子尙書大傳俱作簿惟孟子借作亳故徐廣卽以湯所居爲杜縣之亳也亳亭當在今城南地無攷故不入圖

秦疆域圖



秦

杜

水經注杜陵西北有杜縣故城秦武公十一年縣之

案長安志言漢宣帝置杜陵改杜縣爲下杜城則秦杜縣城似卽杜伯城然水經注下杜城杜縣故城一載泝水下一載狗柳川水下明係二地漢書宣帝紀尤樂鄠杜之間率常在下杜是時杜陵未置已稱下杜次道之說非也秦杜縣故城當在今三兆社西北則去狗柳川尙近而杜城正當鄠杜之間與漢書合

宜春苑

史記秦本紀子嬰葬二世杜南宜春苑中三輔黃圖在京城東南隅今黃渠社曲江池卽其地

案宜春苑言杜南則秦杜縣故城在三兆西北者或當并在曲江池之北疑不能明也漢書高帝紀漢王從杜南入蝕中如淳曰蝕出漢中道谷名李奇曰杜南陽孟文石門頌高

祖受命道由子午則蝕中卽長安子午谷而杜縣南境直抵

南山矣

芷陽

秦本紀悼太子葬芷陽徐廣曰今霸陵正義引三秦紀霸陵秦穆公築爲宮因名霸城漢于此置霸陵史記芷作茝

案水經注霸水歷白鹿原東歷霸川之西故芷陽矣謂之霸

上則芷陽在霸水西卽括地志所謂芷陽與藍田縣西六里

接界者霸城在霸水東漢志言霸陵故芷陽謂本芷陽地耳

非謂芷陽城卽霸城也雍錄諸書多誤芷陽城當在今曹家

堡社地

霸上

漢書高祖紀元年至霸上師古曰霸水上卽今所謂霸頭史記正義引廟記霸陵卽霸上

案水經注霸上卽芷陽見前

狗柳堡

水經注東西兩川水會亂流去杜陵十里斯川有狗柳之名川東曰白鹿原原有狗柳堡秦襄公時有大狗

來下有賊則吹之一堡無患川水又北涇村陵東

案杜陵在瀋川西

即狗柳川柳瀋聲相近

堡在其東今元興社白鹿原

上泉猶名狗柳泉也

二世宮

舊志本秦二世宮後訛作二十空

案二世宮屬鳴犢社秦時置宮不見書傳相沿已久今仍之

軹道亭

史記秦始皇本紀子嬰降軹道旁徐廣曰在霸陵蘇林曰亭名在長安東十三里水經注霸水又北逕軹道水

上有橋謂之霸橋元和郡縣志在縣東北一十六里續漢志注引地道記軹道在霸水西

案軹道亦作枳道在漢霸橋之西當在今光泰門以北

虎圈

水經注霸水又北逕秦虎圈東又北入于渭

案虎圈在霸水入渭之西當在今北辰社中大抵自白鹿原

以北至渭皆秦芷陽地秦本紀宣太后葬芷陽酈山正義曰

在新豐縣南悼太子葬芷陽正義曰在藍田則秦時芷陽東

境兼有今臨潼藍田地矣

漢疆城圖



漢

霸陵

水經注故渠上承霸水東逕霸城南漢文帝之霸陵縣也史記正義霸陵城在萬年縣東北二十里長安志縣東南至文帝陵十里

案今霸橋街有故城址相傳爲漢霸陵故城去文帝陵約計十里元和郡縣志霸水在縣東二十里隋開皇造橋亦與張守節所稱里數合惟水經注叙次故渠在合長水之下而霸陵故城又在故渠之北則非今霸橋街地然酈注渭水下錯簡甚多或係北字誤作南字未敢臆定也

枳道

見上

霸橋

詳見霸水

霸城觀

漢書注軹道亭在霸成觀西七里

案三輔黃圖有霸昌觀在城外或卽此去軹道七里則在霸

水東約當今新築沙河社地

長門亭

水經注史記音義文帝出安門注云在霸陵有故亭郡國志所謂長門亭也漢書注如淳曰在萬年縣東北苑中

案水經注亭在霸水合長水處當在今午門社東唐禁苑地也漢書竇太主猷長門園及武帝長門宮皆以門得名至長門北五帝壇在渭陽諸志入咸寧皆誤漢書外戚傳陳皇后葬霸陵郎官亭東今無攷故不入圖陳湯傳營霸陵曲亭南起昌陵水經注引關中記昌陵在霸城東二十里則今臨潼縣治以西皆霸陵東界矣

南陵

史記索隱南陵在霸陵十里故謂之南陵括地志南陵故縣在萬年縣東南二十四里本薄太后陵邑陵在東北去縣六里

案今狄寨社近大康村地名岡子上東北去薄太后陵五里許村人取土往往發出磚甃相傳築有小城以括地志證之

當卽南陵故城漢書地理志南陵沂水出藍田谷北至霸陵

入霸水沂水當卽荆峪水今狄寨以南皆南陵地

杜陵

括地志杜陵故城在萬年東南十五里漢杜陵宣帝陵邑也長安志同

案水經注有杜縣故城而無杜陵縣括地諸志又似卽陵置城漢書宣帝紀以杜東原上爲初陵更名杜縣爲杜陵不言移縣今姑據括地志方位里數爲定

樊鄉

見前漢書樊噲傳食邑杜之樊鄉師古曰今樊川

樂遊苑

漢書注黃圖在杜陵西北關中記宣帝立廟于曲江北號樂遊

案今樂遊原因是得名

蝕中

見前

案漢書灌嬰傳食邑杜平鄉顏氏以爲杜之平鄉

史記六國表魏與秦

會杜平在今澄城通志從之

今無攷說文豐在杜陵西南漢書地理志旬

陽北山旬水所出則杜陵西界抵澧水接鄜南界抵秦嶺接
旬陽矣

案今案以爲最精谷長小丘

樂道

共

詳

案

案

案

案

案

後漢魏晉疆域圖



後漢

魏晉並同惟縣名有改易詳沿革表

霸陵

魏晉曰霸城

枳道

續漢志霸陵有枳道亭考見前

長門亭

續漢志霸陵有長門亭考見前

案後漢霸陵並同前漢惟南陵縣廢南界當稍益耳

杜陵

魏晉曰杜

曲牢

通鑑晉孝武紀姚登進據曲牢注曲牢在杜縣東北

案曲牢既在杜東北又爲向繁川之路約在今城東

馬頭原

通鑑晉孝武紀姚登自曲牢向繁川軍于馬頭原

案馬頭原當卽今馬頭空繁川胡注云卽樊川見前


案續漢志杜陵鄠在西南則西界接鄠而東界又兼南陵地

潘岳西征賦有高望陽隈

卽今金羣隈社高望堆

長安縣志以爲長安

南境



北魏疆域圖

